



Հասարաթյան - ՄիՆասյան հիմնադրամի՝ Արվեստի գործերի ստեղծման դրամաշնորհային ծրագրի մասնակցության պայմաններ

Հասարաթյան - ՄիՆասյան հիմնադրամը հայտարարում է դրամաշնորհային ծրագրերի մրցույթ՝ վիզուալ արվեստի ոլորտում ստեղծագործությունների ստեղծման համար:

Ծրագրի նպատակն է՝

- Աջակցել արվեստի նոր գործերի ստեղծմանը :
- Խթանել արվեստագետների ստեղծագործական ներուժը:
- Նպաստել Հայաստանի ժամանակակից արվեստի դաշտի զարգացմանը:

Թեման - **Ճգնաժամ / Crisis**

Ճգնաժամ հասկացությունը գալիս է հին հունարեն՝ *κρίσις* — կրիզիս բառից, որը թարգմանաբար նշանակում է՝ որոշում, շրջադարձային կետ:

Նոր հազարամյակում մարդկությունը անընդհատ գտնվում է քաղաքական, տնտեսական, բնապահպանական, հոգեբանական, ստեղծագործական ճգնաժամների և դրանց հաղթահարման փակ շրջանի մեջ:

Ճգնաժամային պայմաններում արվեստագետի գոյատևումը, նրա ստեղծագործականությունը շատ բանով կախված է այն հանգամանքից, թե կարողանում է նա վստահել իր ուժերին, իր ներքին հնարավորություններին և դիտարկել ճգնաժամը որպես *շրջադարձային կետ*:

Մասնակցության պայմանները՝

- Մրցույթին կարող են մասնակցել ժամանակակից վիզուալ արվեստի՝ **կերպարվեստի, քանդակի, լուսանկարչության, ինստալյացիայի, հանրային արվեստի, վիդեոարվեստի** ոլորտներում տարբեր միջոցներով աշխատող պրոֆեսիոնալ արվեստագետները և արվեստային խմբերը:
- Մրցույթին կարող են մասնակցել միայն այն արվեստագետները, որոնք **ՀՀ քաղաքացի** են:

Դրամաշնորհի չափն ու տրամադրման կարգը

- Տրամադրվող դրամաշնորհի առավելագույն չափը կազմում է **2.500.000 (երկու միլիոն հինգ հարյուր հազար) ՀՀ դրամ**:
- Ֆինանսական օգնությունը տրվում է միմիայն այն ծախսերի համար, որոնք անհրաժեշտ են **արվեստի գործը ստեղծելու համար**:
- Մասնակցության համար անհրաժեշտ է լրացնել հիմնադրամի կողմից առաջարկվող հայտադիմումի ձևը:



- Առաջնահերթություն կտրվի այն նախագծերին, որոնք կհամապատասխանեն առաջարկվող թեմային և կնպաստեն արվեստագետի ստեղծագործական զարգացմանը:
- Համաֆինանսավորումը ողջունելի է:

Դրամաշնորհի տրամադրման ժամկետները և վճարման կարգը

- Ֆինանսական օգնության դրամաշնորհը **տրվում է 6 ամսվա կտրվածքով**, ինչի վերաբերյալ նշված է հայտադիմումում (դիմորդ/ները սահմանում են նախագծի մեկնարկն ու ավարտը): Արվեստի գործի ստեղծումը պետք է **ավարտվի նշված ժամկետում**:
- Միևնասյան - Հասարակական հիմնադրամի տրամադրած դրամաշնորհով ստեղծված արվեստի գործը կամ նախագիծը ներկայացնելիս՝ արվեստագետները պետք է **ներառեն հիմնադրամի անունը և լոգոն** բոլոր հետագա հրատարակություններում, ցուցադրություններում կամ այլ միջոցառումներում:
- Ստեղծված արվեստի գործերը **հանդիսանում են արվեստագետի սեփականությունը**, սակայն վաճառելու դեպքում պարտավոր է առաջին հերթին **առաջարկել հիմնադրամին**:
- Ֆինանսական օգնությունը տրամադրվում է **երեք փուլով**, տոկոսոսային հարաբերակցությունը կարգավորվում է պայմանագրով:

Հայտադիմումների ժամանակացույցը

- Մրցույթը հայտարարվելու է **տարեկան երկու անգամ**
- Առաջին մրցույթ - **մայիս 1, 2019թ.**:
- Հայտադիմումները ներկայացնելու վերջնաժամկետը՝ **հունիս 15, 2019թ.**:
- Ընտրությունը և հաղթող հայտադիմումների հայտարարումը՝ **հուլիս 15, 2019թ.**:
- Լրացված հայտադիմումները (**հայերեն**) ուղարկվում են հիմնադրամի էլեկտրոնային հասցեին՝ grants@hmf.am
- Հայտադիմումները պետք է համապատասխանեն **մրցույթի չափանիշներին և թեմային**:
- Մրցույթին դիմելիս կարելի է լրացնել **միայն մեկ հայտադիմում**:
- Դիմորդ/ները կարող են մասնակցել յուրաքանչյուր մրցույթին, սակայն **նույն տարվա մեջ կարող են ստանալ միայն մեկ ֆինանսական օգնություն**:
- Դիմորդ/ները **չեն կարող դիմել նույն նախագծով երկրորդ անգամ**: